



Broj: 02-02-2-325/20
Sarajevo, 19.02.2020.

N/p - Direktora

**PREDMET: Posjeta bh. firmi Međunarodnom sajmu „PLMA-WORLD OF PRIVATE LABEL”
Amsterdam (Holandija), 26.-27.05.2020. godine**

Poštovani,

Vanjskotrgovinska/Spoljnotrgovinska komora BiH kao član Evropske poduzetničke mreže a u partnerstvu sa Sweden-USAID FIRMA II Projektom, organizira **posjetu Međunarodnom sajmu sajmu „PLMA-WORLD OF PRIVATE LABEL”, koji se održava 26. i 27.05.2020. godine u Amsterdamu (Holandija).**

Međunarodni sajam PLMA 2020 „World of Private Label“ održat će se u izložbenom centru RAI u Amsterdamu, gdje će se predstaviti više od 2800 izlagača/kompanija, uključujući gotovo 60 nacionalnih i regionalnih paviljona. Izložbeni program uključuje svježiu, zamrznutu i rashlađenu hranu, sušene proizvode i pića, kao i kategorije neprehrambenih proizvoda kao što su kozmetika, sredstva za higijenu, zdravlje i ljepotu, različiti potrošački proizvodi za domaćinstva i kuhinje.

Svrha ove poslovne misije je posjeta pomenutom sajmu i moguća organizacija unaprijed dogovorenih b2b susreta sa poslovnim partnerima iz Holandije i Belgije za maksimalno 10 bh. kompanija iz sektora **proizvodnje i prerade voća i povrća.**

Financiranje poslovne misije se obezbjeđuje na bazi zajedničke participacije u troškovima (*cost-sharinga*) između organizatora (V/STK BiH i Sweden-USAID FARMA II projekta) i bh. kompanija, pri čemu organizatori snose:

- troškove smještaja u Amsterdamu - dva noćenja za po jednog predstavnika po firmi koji aktivno govori engleski jezik;
- troškove organizacije i promocije b2b sastanaka (sala, hrana i piće), i
- troškovi sajamskih ulaznica (po jedan predstavnik po firmi).

Kompanije učesnice će snositi troškove prevoza na relaciji Sarajevo-Amsterdam-Sarajevo za svoje predstavnike, troškove lokalnog prevoza kao i troškove dnevnica, putnog osiguranja i druge lične troškove svojih predstavnika.

Pravo na učešće u ovoj poslovnoj misiji imaju:

- bh kompanije iz oblasti proizvodnje i prerade voća i povrća sa iskustvom u izvoznim poslovima;
- kompanije koje su strateški opredijeljene za izvoz na tržište EU i imaju adekvatan kvalitet proizvoda;

- kompanije koje su aktivni članovi V/STK BiH (prenost pri odabiru prijava će imati kompanije koje redovno izmiruju obaveze plaćanja članarine);
- kompanije koje mogu osigurati prisustvo najmanje jednog predstavnika koji aktivno komunicira na engleskom jeziku.

Kompanije koje budu učestvovala u ovoj posjeti biće dužne dostaviti dokaze o vlastitom učešću u troškovima (račune za avio karte, putne naloge i sl...) u svrhu izrade finalnog izvještaja za donatore. Također, kompanije koje iz neopravdanih razloga nakon rezervacije smještaja i ulaznica otkazuju učešće biće obavezne izmiriti ove troškove koje bi V/STK BiH inače snosila u njihovo ime.

Pozivamo sve zainteresirane bh. kompanije koje zadovoljavaju navedene kriterije, da prijavu u prilogu dostave na priloženom obrascu **najkasnije do 28.02.2020. godine** na kontakt e-mail adrese: tijana.muhamedagic@komorabih.ba i/ili rados.sehovac@komorabih.ba. Za sve dodatne informacije možete kontaktirati naše osoblje na broj 033 566 183; 033 566 184 ili 033 566 235.

S poštovanjem,



Enes Ališković,
direktor

Prilog:

- Prijavni obrazac